

اداره مرکزی :
آذربایجان ، استانبول جاده سنده آفره
معارف امینلکی پانده کی دانه

استانبول بورسی :
استانبولده ، باب عالی جاده سنده ۸۷ نومبرده
داره مخصوصه

حیات

میانہ دائمیہ... دنیاہ راہا میرہ مہات قانالم...
- نیچہ -

نومبر ۱۰ غرورده .
سنه لکی پوسته ایله ۵ لیرا .
(اجنبی مملکتلر ایچین ۵ دولار)

ایوه واعلان ایشلری ایچین استانبول بورسه
مراجعت ایدیلیر .
یازی ایشلرینک مرجعی آفره مرکزیدر .

صافی : ۲۷

آفره ، ۲ حزیران ، ۱۹۲۷

۲ نجی جلد



ایده آنزلک نرله سی

دارالفنون

تورکار حقنده خبرخواه اولان بعضی اجنبی
مخبرلر تورکیه نلک قطع ایندیکی یولی حقیه
تقدیر ایده مه یورلر و بونلر انقلابک ، اسکی
مؤسسه لری ، بردها عودت ایتمه سی احتمالی
اولیه جق صورتده بیقدیغنی سویلدیککز زمان
بعضاً بونی شبه ایله قارشیلایورلر . بونک سببی
تورکیه نلک اجتماعی وضعیتی بیلمه ملری ، تورک
خلقنلک سجیه سنی طانیاملریدر .


انقلابدن اول موجود اولان مؤسسه لر
ذاتاً تورک خلقنلک روحنده قوتلی بر سلطه
تأسیس ایده مه مشدی . بو مؤسسه لر قوتی منورلرک
وهمندن آلیورلردی . بویوک بردها ایله ،
بو وهم پرده سنه ضربه اینجه او مؤسسه لرده
بیقلیوریدی . تورکیه نلک اجتماعی وضعیتی تدقیق
ایده بیلنلر بو مؤسسه لرک آرتیق دیریله سنه
هیچ بر امکان اولمادیغنی درحال اکلارلر .
بوکون بونلرک استنادکاهی اولاجق هیچ بر
معنوی قوت قالمامشدر . آنجق تورکیه نلک استقبالی
اعتباریه ملاحظه اولوناجق الکه مهم تهلکه یکی بیتشن
کنجلرک بویوک مفکوره لر قارشیسند قیدسزلکی
بونلرک کندیلرینی بر نوع (قابا مادیجیلک

(Matérialisme grossier) ه قایدیرمالری تشکیل
ایله جکدر . بوکونکی نسلک عمری مفکوره
ایچون جدال ایله ، پادشاه استبدادینی ییقمق ،
حیات قدرتلرینی کیرهن مؤسسه لری قالدیرمق ،
مستقل بروطن یاراتمق مجادله سی ایله ... کچمشدر ،
قیصه بر زمانده مختلف تحوللرک ، انقلابلرک ،
خارجی تجاوزلرک هیجانی ایچنده یاشادیغمز
ایچون روحزده دائماً ایده آلر حاکم اولمشدر .
حالبوکه یارینکی نسل عینی حیاتی سورمه جکدر .
مستقل وطنه توارث ایله یین بوکونکی چوققلریمز
اوزون سورمه جک صلح آنلرنده بزم یاشادیغمز
هیجانلی دورلر ، قوتلی مشترک المار ، وطنک قورتولوشنی
کورمکدن متولد هیجانلی دقیقه لر کچیرمه .
جکدر . بوکونکی نسلک روحنی مفکوره جی
یابان اجتماعی سبیلر یارین ایچون عیناً موجود
دکدر . بو وضعیت قارشیسند قولا یلقه
قابا بر مادیجیلکه کندیلرینی قایدیرا بیلیرلر .
یاشامنی یالکز فردیتلری ایچون ذوقدن عبارت
کورمه بیلیر ، کندی فعالیتلرینی ملی جمعیتک
اشتیاقنه ربط ایتیه بیلیرلر ، حیاتی یا بلوفدن ،
برهیچدن عبارت عد ایده رک فنا بر بدینلکه ،
یاخود قیصه بر زمان ظرفنده یالکز مادی ذوق
طوپلامق تلقی ایله رک کوتو بر فرد تجیلکه دوشه .
بیلیرلر . ایشته اوزمان اجتماعی رابطه کوشهر ، بویولده
بر یاشایش ، حیاتدن ممنون اولمایان برسورو انسان
یاراتیر . بویله بر جمعیتده نه علم و صنعت ، نه ده
شدتلی حیات قدرتی ایجاب ایدن فعالیتلر موجود
اولا بیلیر .

بو تهلکه وهم دکدر ، یکی بیتشن نسللرله
دائمی تماسده بولونانلرک ، کنج روحلرده کی
ایده آل احتیاجنی سزمه ملری قابل دکدر . ایشته

بوکونکی منورلر ترتب ایله یین وظیفه بوروجلرک
احتیاجنی تأمین ایتک ، تورک جمعیتک اشتیاقنی
بوندن صوکر اکنلرله آشیلماقدر .
بوخصوصده انکه مهم وظیفه دارالفنون ترتب
ایدهر . دارالفنون ادبیات فا کولته سی معین
معلوماتی کنجلره اوکره تن بر مؤسسه اولارق
قالاماز . بو فا کولته مملکتده حقیقی معنوی بر
ولایت تأسیس ایده بیلملیدر . بونک ایچون بر
کره بو فا کولته تورکیه محوری اطرافنده دونغلی ،
صوکر اده تدریساته بر پارچه ده احرارت کیرملیدر .
ادبیات فا کولته سنک دنیا علمنه خدمتی آنجق
تورکیه یی مرکز یاپدینی زمان ممکن اولاجقدر .
اوکرده بر مملکت وارکه هنوز هر طرفک جغرافیایی
یایلما مشدر ، بر مملکت وارکه تاریخی حقیه
یازیلاماش ، تنظیم تدبیری کچیردیکمز مختلف
تحوللرک ، انقلابلرک اجتماعی سبیلر علمی بر
اصولله آراشدیر یلامشدر . تورکیه یه تعلق ایده ن
حادثلر اوزرنده دوشون مدرس تورک جمعیتی
و محیطنی تشکیل ایله یین شأیتلری تثبیت ایده ر ،
انقلابک اسبابی و هدفنی کوستهره ن بو اثرلر
صنعتکار اولق استعدادینی طاشییانلر ، فلسفی
تربیه کورمش اولانلر ایچون بر الهام منبعی
اولورلر . او وقت فلسفه و صنعت اثرلری ده
وجوده کله بیلیر . کنجلرله تماس ایده جک
هرمری دارالفنون مساعیسنک بو محصوللرندن
استفاده ایده ر ، کنج روحلر بو بیلکیلرله
بسله نیر .

علمی تدقیقلرک حبیبیلکی بعضاً بزده یا کلش
آ کلاشیلماقده در . واقعا مثبت علم هر نوع سلطه
خارجنده بر تدقیقدر . عالم کندندن اولکیلرک
ولایتنه ویا شو و بو عقیده صاپلاناماز . بو اعتبارله
حردر ، یاقین وکندنجه معین بر فائده ایچون



جهانك بويوك مسئلہ لری

آلمانیا و شرق عالمی

۲

شرق و غرب مجادلہ سنده غربی نمیل ایدن اوروپا ملتري ، بالخاصہ حرب عمومیدن صکره ، متحد بر جبهہ تشکیل ایتکدن اوزاق بولنیورلر .. حتی بوسبہ بناء درکه شرق ، اوروپا مواجهه سنده دها مساعد و دها قوتلی بر وضعیتہ صاحبدر . بر قسم اوروپالی متفکرلرک تحیل ایتدکلری قریب تهلکه نك سبب اصلبسی ده بودر . اوروپا جبهہ سنده شرق ملتري لهنه آچلمش اولان رخنه نك آرقه سنده اولنره ال اوزاتاق احتیاجنی حس ایدن غربیلر آراسنده اك اول آلمانلر ایله روسلری کوریورز . بوکونکی یازیزده آلمانیاك شرق عالمی قارشبسنده کی فکری ، روحی و سیاسی وضعیتنی تدقیقه چالیشه جنز :

یونان - روما عنعناتنه استناد ایدن بوکونکی غرب مدنیتك ، جهانشمول بر مدنیت تپی احداثه قادر اوله مدینى و انسانیتك تكامل وانكشافی نقطه نظرندن بر آزرده آنامدنیتك اوجانی اولان هندوچین دیارلرینك حرئی قیمتلرینه عطف نظر ایدلسی لازم كله جکی قناعتلری ، آلمانیا ده ، دها حربدن اول ، بعض فکر محیطلرنده رواج بولشدی . اساساً آلمانیا مدنیت نقطه نظرندن تماماً لاتین عالنه انتساب ایتمه مش ایدی . جنوب غربی آلمانیاك قلاسیك و اومانیت مدنیت دائره سنده داخل اولسنه مقابل شمال شرقی آلمانیا سلاو نفوذینه و بناء علیه میستیک - رومانیتك بر مدنیت طرزینه تابع اولشدی . فیخته Fichte جرمنلرک اسکی آسیاده مؤسس اولان اجتماعی نظامی احیا ایله یکی بر دور خلق ایتك وظیفه سیله مكلف اولدقلرینه قانع ایدی . بو وضعیتده بولنان بر آلمانیا ، ملی اتحادك تأمینندن و تکنیک ترقینك تولید ایتدیکی رفاه و سعادتدن منبعت بر غرور و عظمت ایله شرق و غرب آراسنده مستنابرول اوینامغه حاضر لانیوری .. شرق جاهل و سفیل قالشدی . او عالمه قارشى بر تمدین وظیفه سیله مكلف اولدیغنی ظن ایدیوردی .. غربك عقل و منطقہ مستند مدنیت دائره سی ، آلمان متفکرلرینك تصور ایتدیکی یکی انسان تپینی تطمین ایتدك وسعت و درینلکی حائز دکلدی . اوکاده یکی بر روح آشیلماق لازمدی که بو وظیفه نك ده کندینه توجه ایتدیکی قناعتنده ایدی . ایتنه حرب عمومیدن اولکی آلمانیاك بین الملل حیاتده عرض ایتدیکی معنوی جبهه بو دوشونجه لرت تحت تأثیرنده ترسم ایدیوردی .

آلمانیا شرق ایله غرب آراسنده بر متوسط رولنی اویناه بیلمك قدرتی محافظه ایتدیکی مدیجہ ، ملی و سیاسی منفعتلرینك ایجابلرینه کوره آچیقندن

بیله ن موقوفلر ایچین اهمیتلر بر کتابك ، اسکی بر غزته نك چوق بويوك بر قیمتی واردر جزایورلدلرنده یاشانان بو « کشف حیات » دن تام معناسیله استفاده ایتك ، « مجرم » ه یکی بر شکل ویرمك ممکندر . بزم حکمدارلق دورمرزه عائد « بسخانه لرده الك ابتدائی واسطه لرله نه قادر کوزل » ال ایشلری « یاپیلدیغنی بیاورز .

جزا یوردی حیاتی ، مجرمی تکرار دونه جکی جمعیتك عمومی احتیاجلرینه کوره حاضر لاق مجبور . یئنده در . مجرم ؛ جزا یوردینی ترك ایتدكدن صوکرآ یته جمعیت آراسنه قارشاجقدر . اونك ایچین جمعیته قارشیدینی وقت ، محیطنی هر خصوصده یابانچی بوللا . ماملیدر . بوناصل ممکن اولایلیر ؟ بزبو خصوصده آلمانلرک علمی تدقیقلرینی اساس انخا ایتد بیلیرز . المانلر ، بو غایه نی تأمین ایتك ایچین « لوی خت تورم = فنه ر » اسنده بر غزته نشر ایدیورلر . غزته ؛ بر متخصصك اداره سی آلتنده . . فقط تحریر هیأتی مرتبلی ، مطبعه جیلری هبسی موقوفلردن عبارت . غزته هافتاده بر کره جیقور و دورت بويوك صایفادن عبارت . . یورلی کونلرنده غزته نك جمعی بر قاچ دفعه بويور . موقوفلر ؛ جزا یوردلرنده چالیشدیلری وبارا قازاندیلری ایچین غزته کوچوك بر بارا مقابلنده صاتیور . لوی خت تورم ؛ یکریمی ، یکریمی بش بیک نسخه صاتیور ! چوق محترم بر دوستك یاردیمه تدارك ایتدیكم بر قاچ نسخه ، بکا بو غزته حقنده چوق اساسلی بر فکر یوردی . موقوف ؛ غزته ده علمی ، ادبی ، سیاسی ، اک کوزله موضوعلری بولایلیر . او قودوغم بر قاچ مقاله ؛ بکا موقوف محررلرینك استعدادلری حقنده بويوك بر تقدیر حس ایتدیردی .

دوستویه فسکی ؛ « راستول نیقوف » نده نه قادر دوغرو دیور :

أك دوشکونلرده بیله یوکسك انسان یاریتیلر واردر . جزا یوردی حیانتك اک بويوك غایه سی ؛ بو کیی یاریتیلرک انکشافنی تأمین ایتکدر . بوجه دك ده اک مقدس زمیننی جمعیت تشکیل ایتد بیلیر . اونك ایچین موقوف ؛ جمعیتله اولان علاقه سنی قایب ایتمه لیدر . بوده اک یکی تدقیقلره استناد ایتدن نشریاتله یاپیلایلیر . یاقین بر ماضی به قادر موقوف ؛ جزا یوردینی ترك ایتدكدن صوکرآ دیشاریده چوق یابانچی بر دنیا بولویوردی . چالیشمق ، حیاتی تأمین ایتك ایسته دیکی وقت هر طرفدن رد ایدیوردی . بوبله بروضعیت ؛ بالکیز « جرم » ی تمادی ایتدیریر و « جرم » ؛ مجرمك « صنعت » ی اولور . اونك ایچین مجرملر ؛ جزا یوردلرینی ترك ایتدكدن صوکرآ « انتقال مؤسسه . لری » ده چالیشدیرلای و بو مؤسسه لرک « شهادتنامه » سنی آلدقندن صوکرآ چالیشمق امکاتنی بولایلدرلر . موده رن دولترک اک شرقی وظیفه لرندن بری ده بودر : جرمه قارشى جدال و دوشه نلری قورتارمق .

م . نرمی

آجیغه هیچ بر طرفی التزام ایتد مه مشدر . آلمان امپراطورلنك و آلمان انکشافنك بدایتنده بیسارق ، شرق مسئله سنك بر پومرانیالی تفرك کیمکارینه دکیه جکی ادعاسیله اوروپا خارچنده کی بشریت ایله اشتغالی موافق سیاست کورمه مشدی . فقط اون بش ، یکریمی سنه صکره عینی آلمانیا قابنه صیغمامغه باشلانجه اولو شرق قریب و اسلام عالمی ایله علاقه دار اولق لزومنی حس ایتدی .. اوروپا خارچنده وبالخاصه آسیاده بین الملل حیات نقطه نظرندن تأسس ایتش اولان سیاسی نظام آلمانیا به بر فائده تأمین ایتدیردی . بونك ایچون یا امپریالیست دولترک ایزنی تعقیب ایدرک کندینه مستملکه لر بولق و یا خود موازنه نی تأمین مقصدیله دیکرلرینك استعمار و استثمار سیاستنه آز چوق مانع اولغه چالیشمق لازم کلیوردی .. آلمانیا حرب عمومی به قدر برینه کوره بواکی طریقه ده مراجعت ایتدرك چوق مادی وره آلیست بر خط حرکت تعقیب ایتدی .. بر طرفدن متفق اولان ایتالیا به ، طرابلس غربی و بربرکن دیکر طرفدن فاسی فرانسه به قارشى حایه ایتك ادعاسنده بولنیوردی .. حرب عمومی و نتایجی آلمانیاك آسیا پولتیقه سنده کی مبهیتی ازاله ایله اوکا یکی بر استقامت بخش ایتدی .

حرب عمومینك سبیلری نه اولورسه اولسون ، ایکی مخاصم قسمه آیرلش اولان اوروپا بونك بر ذهنیت و مدنیت حربی اولدیغنی اعلاندن چکنمیدی .. بالخاصه فرانسزلر ، فکر ساحه سنده کی پروباغاندا قوت و مهارتلرینی اعظمی درجه ده استعمال ایدرک حربك حق ، عدالت و انسانیت پره نسیدلرینك مدافعه سی ایچون دوام ایتدیکنی و آنحق بونلرک غلبه سندن صوکره ختام بوله جغنی تکرار ایتکدن اوصاعیدلر .. آلمانیا ده عینی تهزی مدافعه ایدیوردی . اوده آلمان کولتورینك ، زهرمن - لاتین خلیطه سنه مستند آلمان مدنیتك غلبه سنی تأمین چالیشیوردی . هرا یکی طرف ، بومثلی کورولمه مش مجادلده بالکیز مادی قوتلرینی دکل ، بوتون روح و معنویتلرینی ده ایلری سورمشلردی .. حرب آلمانیاك مغلوبیتله نتیجه لنجه ، آلمانلر استناد نقطه لری یقیلمش معظم بر قبه کی بردن بره چوکیوریدیلر . آلمان متفکرلرندن طوماس مان Thomas Mann ک تشبیهی وجهله آلمان ملتی « ۱۹۱۸ » ده تماماً آزلش و یکی طوغان بر چوق کی عوشالشدی . غالبلر مغرور آلمانیا به انسانیت خارجه آتیلش بر ملت کی معامله ایتشلردی . بوبله هم مادی و معنوی حیاتی و همده عزت نفسی عظیم بر تزلزل و حقارت دوجار اولان آلمانیا غرب کولتورینك قیمتی حقنده شبهه دوشدی .. بوتون فلاکتلرینك سببی لاتین طرز حیات و تلقینیه مربوط قالش اولقده کوردی .. فرانسه و متفقلری آلمانیا نی معناً و فکر آده مغلوب ایتدکلرینی اعلان ایلدکلری مدتجو . آلمانلرک یکی بر حیات حمله سی ایچون دشمن تلقی ایتدکلری لاتین و قلاسیك مدنیت سیسته منه توجه ایتد مه جکلری طبیی ایدی . بو صورتله بون دارالفنونى پروفورلرندن نرنست کورتیوس Ernest Curtius ک دیدیکی کی « کنج آلمانیا غربه آرقه سنی چویره رک

شاه اثرلردن

میشله نك شاه اثرلردن

قرال مجرمبیدی ؟

— ۳ —

برجوقلری بولوش ایزبه لری، بوقارا کلق ده لیکلری، بوکوجک قار اودالری، بوباطا قخانه لری، کوندوزین لامبه ایله آیدیلانان بو کوفلی ورطوبتی مخزنلری سوه ردی. کبرلی، قوقار، قاراکلق و حیات برذوق عالمی که، بر جوق آداملره ماوا اولشدی. کیمبسی مقابل اختلاجیلردی، کیمبسی آرتق فرقه سزلر و نکسرلرکه، وقوعاتک صدمه سی آلتنده قیریلشلر، اوسانوب ایگرمه شلردی و آرتق نه قلب طاشبورلردی، نه ده بر فکر. ایسته بوتون بو آداملر بوتون بو قیرطه دورنده قار ماصه سنده وقادین قوجاغنده کندیلرینه بر «Alibi» یاراغنه قرار و برمشلر و تپه لینه قدر بونک ایچریسنه کومولشلردی. آرتق هیچ برشی دوشونه مکه عزملری واردی. خلق آچلقدن اولیوردی، واوردو صووقدن! بوندن اونلره نه ایدی؟ اختلاک اونلر دشمنلربدی، و کندیلرینی فداکارلغه چاغیران اختلاله اونلر شوجوانی و بریور کیدیلر: «برکره آرتق اینگه دوشمشز؛ بزی برربرر ییه بیلیرسک، بی یارین، اونی بوکون.. بوکا ایوالله؛ فقط بزدن آدامی یایقی ایستورسک، قیلریمیزی اویاندیرمق، دنیانک صوکسز اضطرابلرینه قارشی بزی متحس و عالجناب قیلقمی ایستورسک... ایسته بوتی یابامازسک.»

بوراده خودکاملغک آلقاق وسفیل طبقه سته دالوق، لغمک قاپاغنی آجقدق، وکریزک ایچنه باقدق... یتر، باشمزی چویره لم. بو اک آلقاق طبقه فقط اک تهلکه لیبسی دکلدی. عادی کرخانه لردن ممتاز قارخانه لر ده قورقونجیدی. اویون ماصه لری اوزمان عمومیتله طینتلری مغشوش، هویتلری مشوش خانلرک اداره سنده ایدی. آقتریسلرک سالونلری بونلرک اک بوکسکی، اک عمنازی ایدی. بونلرله عین سوبه ده ویان یانه فلان وفلان منور کزیده خانلرک، پواتیقه چویره ن فلان وفلان آنتریفه چی خانلرک سالونلری کلیردی. حزین بر ارتقا که، بوکسه لیسنده هیچ برصلاح یوقدی. اک آلقاقی بلکه اک خفینی ایدی. عادی قیلر، بو زوالی فاحشه لر اولوم یولیدر، دامارلرده قانک دوکاسیدر. بوراده کی ممتازلر فقط، بو کبار خانلر - افسوس! - بونلر باشقه تورلو بر اولومدر، و داها بتریدر. بونلر ایمانلرک اوله سی، پره سیلرک اوله سی، فکرلرک اوله سیدر... مشوم بر صنعت که، سجه لری بوموشاتیر، واک قوتلی شخصیتلردن آز زمانده بر بیغین چامور یاپار.

ایسته بوتون پارس بویه ایدی... بالیق و باطاق بر زمین له، اوزرنده یوریمکه تشبث ایدن یکی آداملری

اوغراشان بر جوق جمیتلر آلمانیا ده بیوک بر حسن قبوله مظهر اولقده درلر... خلاصه، موجود وضعیتن غیر ممنور اولان آلمانلر، بونک بر آن اول دیکشیمی ایچون کرک فکر و کرک سیاست ساحه سنده چالیشمق مجبوریتی و بوهده معطوف فعالیتلرنده آسیاملرینک ده توجه و یاردیمنی قزانق لزومنی ایچنه حس ایتشلردر.

آلمانیاک حرب عمومیدن صوکره شرق ملتیرینه قارشی طاقینمش اولدینی طور و وضعیت عجبا نه درجه یه قدر صمیمیدر؟ سیاستده صمیمیت آرامق، صافدللک اولور.. بو ساحه ده مطلق صورتده حاکم اولان منفعتدر.. الوبررکه بو منفعت حسن تقدیر ایدیلرین! چونکه منفعتک تقدیری ده مهم بر مسئله در.. بوکون منفعت عدایدیلن برشیک یارین ضرر تشکیل ایتیه جکنه امین اولق، و بوکا درین بر نفوذ نظر ایله حکم ایتک و وضعیته او بولده بر شکل و برمک هر زمان قولای دکلد. نته کیم آلمانیاک شرق مواجهه سنده کی فکری و سیاسی وضعیتک ده زمان زمان حاکم ولان منفعت تقیلرینه کوره دیکشیدیکنی کورریوز. آلمانیا، فی الحقیقه شرق ایله غرب آره سنده بر متوسط رولنی اوینامق آرزو سنده در. فقط بو رولده کی موقعنی، ده ا زیاده فکری و انسانی ایده آلر ایله دکل انجق آلمانلغک ملی منفعتلری ایله تثبیت ایتکده در. وه رسای معاهده سنک بوتون شدتیه تطبیق ایدلرکی ایلمک سنه لرده آلمانیا غربه تماماً کوسکون بروضعیته ایدی.. او وقتلر روسلر ایله رابالو معاهده سنی عقد ایتش و شرقه یوز جو برمشدی. صکره لوقارنو معاهده سی اوکا اوروپاده یکی بر فعالیت ساحه سی آجیدی.. و جمعیت اقوامه دخولنی تامین ایتکله غرب زمره سته الحاق ایلدی. آنجق آلمانیا ایچون بو معنوی تضمین کافی دکلد. معظم بر ملت و دولت صفتیه دنیا ده تطمین ایدیلرک ده پاک جوق احتیاجلری واردر. بونلری حال حاضر نظام سیاسی دوام ایتدیکنی مدنجه تطمین ایتک ممکن دکلد. بو اعتبار ایله آلمانیا، دیگر امپریالیست دولتلر کی کرک اوروپا و کرک آسیاده کی ستاقونک محافظه و دوامنه دکل، اونک هر حالده تعدیلنه طرفداردر، لوقارنو، آلمانیا یی تماماً غربه توجه ایده مه مشدر.. روسلر ایله عقد ایدلش اولان برلین معاهده سی آلمان سیاستک اک مهم استناد نقطه لردن برینی تشکیل ایتکده در. آلمانیاک، انکلتزه، فرانسه، فلمنک کی آسیاده واسع اولسکله صاحب اولان دولتلرک اندیشه سته اشتراک ایتسنه هیچ بر سبب یوقدر. حتی اونلرک اندیشه لری موجب احوال آلمانیا ایچون تامین موازنه امرنده شایان ممنونیت کورولمکه و آسیانک اوروپا امپریالیستلردن قورتولق خصوصنده کی مساعیمی آلمانیاک معنوی مظاهرنه مظهر اولقده در. ۱۰ شباط ۱۹۲۶ ده مرکزی برلینده اولان و مستملک لرده کی تضیق سیاستنه قارشی مجادله غایه سنی استهداف ایدن بر آلمان جمعیتی تأسیس ایدلشدر. کوریلورکه شرق - غرب مجادله سنده اوروپانک مهم بر رکنی اولان آلمانیاک وضعیتی - هیچ اولمازه بوکون ایچون - امپریالیست دولتلرک ککندن بستیون باشقه و هر حالده آسیانک لهنده بر ماهیت عرض ایتکده در.

نکی مسعود

شرقه باقیور.... روسیه یه حتی ده اوزاغه، هنده و جینه توجه ایدیوردی... «یکی آلمانیا، حیات فکریه و روحیه سنک تنظیم و احیاسی ایچون سلاو - ژهرمن مدنیت خلیطه سنده استناد نقطه لری آراغنه باشلادی. برنوع آسیاتیک Asiatisme ایله جانلاندیرله جق اولان جرمن عنعناتی یکی آلمانیاک، یکی آلمان کولتورینک اساسی تشکیل ایده جکدی.. و حتی بو غایه یی استهدافاً حربی متعاقب آلمانیا ده آلمان تاریخ و حربی تدریساتک محوری یابان یکی برتالی مکتب تپیی - دویچه اوبرشوله - تأسیس ایدلدی.

حرب عمومیدن صکره آلمان حیات فکریه و روحیه سی اوزرینه اک زیاده اجرای تأثیر ایدن متفکرلرک باشنده اوسوالو شبه نعلر - Oswald Spengler ایله قونت هرمان فایزدرلینگ H. Keyserling بولقده در. پروسیالی اولان شبه نعلر غربک انحطاطی Der Untergang des Abendlands نامنده کی آریله اوروپا مدنیتک محکوم زوال اولدینی اعلان ایتدی. بو اثر وسطی اوروپاده بیوک بر رغبت مظهر اولدی.. و تولید ایتدیکنی تفسیرلر، توضیحلر، اعتراضلر عادتاً بر شبه نعلر ادبیاتی وجوده کتیردی. شبه نعلر، مدنیتلرک مقایسه لی تدقیقاتی نتیجه سنده، غربک اختیارلق دوره سنده بولندینی و یافلاشمش اولان زوال ساعتی تأخیر هیچ بر صورتله ممکن اولدینی، تاریخی دلیلره استناداً بیان ایدیوردی.. شو حالده آلمانیا ایچون استقبالی اولیان بر عالمه مربوط قالدن ایه قایناشمقده اولان یکی بر حیاته توجه ایتک ده ا عاقلانه اولمازی ایدی؟ شبه نعلرک فکر ساحه سنده مدافعه ایتدیکنی بو تبدیل استقامت حرکتی بالطفلی فایزدرلینگ یکی بر حس و روح ایله جانلاندیرمق تشبثه کیریشدی.. سلاو نفوذ و تأثیرینه معروض قاله رقی بیتشمش بولنان فایزدرلینگ، یکی انسان و مدنیت تپیی ایچون، غرب افکار و فلسفه سنک کافی بر جریوه تشکیل ایده میه جکنی و هر حالده شرقک و بالخاصه هندستانک روح و باطنندن استعانه مجبوریتی اولدینی یازوب سویلیوردی.. «اوروپا آرتق بی حرکت کتیرمیور. بوزاله آلیشدیم ایچون موجودیمه یکی شکللر و بره جک قدرتی حائز دکلد. او یک محدوددر. بوتون آوروپا بوکون یالکیز بر فکره تابعدر. بن حیاتک دیکشه بیله جکی مسافله ده دوغری قاجوب قورتولق ایسترم.» ایسته فایزدرلینگ، اثرلرنده قونفرانس لرنده و دارمشتاده کی مکتبنده بر واعظ کی تلقین ایتدیکنی روحک نقطه عزیمتی بو دوشونجه لر تشکیل ایتکده در. بو فکرلر تحت تأثیرنده حرب عمومی یی متعاقب آلمانیا ده شرق ایشلرینه و دوشونجه لرنه دائر بیوک بر علاقه اویاندی. هند شاعری تاغورانک یکی آلمانیا ده مظهر اولدینی رغبت دیگر اوروپا مملکتلرنده کورولمه مش بر درجه ده در. آسیا ملتیریک فلسفه، صنعت ولسانلرینه متعلق آلمانیا ده انتشار ایدن اثرلر عظیم بر مقداره بالغ اولشدر. قارل نویمان، قونفوجیوسک بتون اثرلرینی ترجمه ایتشدر. بوندن باشقه آسیا ملتیرینه منسوب واوروپاده واوروپاده اونلرک خلاص و تعالیسی ایچون